

四庫全書

史部

欽定四庫全書

史部

欽定熱河志

御製序 目錄

卷二

詳校官編修

臣曹城

檢討

臣

德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

御製熱河志序

為各省之志書易為熱河之志書難彼其以漢人書內地事且各府州縣本有晉乘楚檇杞蒼而輯之其易也不待燭照數計而龜卜也熱河之志則以闕外荒略非內地而遼金元之史成於漢人之手所為如越人視秦人之肥瘠忽然故曰難夫遼金元非若唐宋之興於內地而據有之也又其臣雖有漢人通文墨者非若唐宋

之始終一心於其主語言有所不解風尚有所不合且遼金元皆立國不久旋即遜出則所紀載欲其得中得實蓋亦難之況紀邊關以外荒略之地乎其不能得中得實亦益明矣當今之時熱河之志不可不成者則以本朝荷

天之寵百有餘年累洽重熙漢人已數世被覆載生育其語言風尚薰陶漸漬不可以遼金元之漢臣例之亦理之必然況我

皇祖建山莊於此地非爲一己之豫遊實貽萬世之締構而顧可無書以垂永久乎山莊內本有溫泉出而匯武列之水俗遂有熱河之稱茲雖爲府爲縣而仍以熱河稱之者存其朔便於衆也

皇祖有詩云聚民至萬家蓋筭路之際人烟尚少後乃閭閻日以富耕桑日以闢至於今將百年屹爲都會

皇祖雖嘗名之曰避暑山莊序詠三十六景而未輯志者其或有待耶抑亦文獻不足徵而遲遲爲之耶山川里

邑建置沿革興夫古蹟人物司事之臣雖招撫遺逸猶有未備未信者其說具見於前而吾之序是書以行世者正所云在此不在彼

欽定四庫全書

欽定熱河志

進表

御前大臣領侍衛內大臣戶部尚書臣和珅 經筵講

官戶部尚書臣梁國治誠懃誠忭稽首頓首上言

臣等奉

勅編輯熱河志成書謹奉

表上

進者伏以

乾元握紐九畿環紫塞之垣

辰極恢紘三輔拓黃圖之版宅神皋而納爽別開薰館
於

仙莊臨朔野以綏邊脯奉秋田於

御蹕環興安之萬嶂皆成采甸之疆導武列之三源特
啟梁鄒之圖控膏腴於左部蹟擅金湯攷形要於
中京圖陳竹素通都四關提封連大漠而遙載藉

重編數典記溫泉之舊坤維壯色壁府騰輝竊惟
景緯初分聿區斗野廣輪肇啓爰列裨瀛周官載
紀職方班志詳疏郡道微實則歲時入記訂疑則
風俗成書體裁並侈於曩篇規制相沿於雜志然
而龍沙遠界猶仍荒畧之名鴈塞層開孰究邊隅
之境築長城於徼外秦家之讓地已多通屬國於
寰中漢室之分疆亦隘況乎炎基東造幕南不入
方輿晉祚西遷冀北胥成外域郝旦諸蕃之內徙

稱寇頻聞鮮卑列部之分雄建庭漸逼逮乎慕容
立國營都邑於柳城拓跋開基置安州於松漠而
光壽建熙之後變故相仍孝昌武泰之間淪胥益
甚是以前後燕之州郡舊鮮徵名東西魏之地形
每稱寄治齊周隋三朝遞嬗紛爭常在龍城奚契
丹兩部同興錯處並依狼水唐設羈縻之府領蕃
族而多清宋修交聘之儀錄行程而未備蓋居檀
薊平諸州之外詎能深悉方隅即在遼金元三史

之中亦但麤傳經畫降自大寧之棄適當永樂之
初割裂土疆盡入諾音三衛摧殘兵燹全虛富峪
四城販章久限於邊牆甌脫頓荒於戍壘厯稽簡
牒殊方並阻幽遐遍遡垓垓

今日同臻熙皞欽惟

皇帝陛下

功參覆幬

治茂登咸吹玉琯以誠和海寓應同風之律握搖樞

而廣運星階聯拱斗之符辨位正方仰

神謨之首出象功昭德紹

景運之丕承昔在

太宗肇龍興於諸部粵惟

世祖奠鰲紀於中原遂使玉障之封悉隸金城之宇我

聖祖仁皇帝綏懷藩屬整飭邊防值久安長治之時厯肆

武習勞之義修甫田於吉日虞衡匪侈遊觀萃

靈囿於羣藩牧圉交輸誠蓋

雲軒屢駐名區成和會之都巖館初營勝境闢清涼之府
揭雲霞之煥爛當年

寶翰長留經雨露之涵濡茲地編廛益聚我

世宗憲皇帝際承平之統增理事之官上塞輿圖悉隸神
州之籍諸藩部落咸趨尉吏之符我

皇上膺下武以承庥續

前文而展義

龍光歲觀期門羅七萃之儀

鳳葆時巡仙苑

駐六飛之駕每清塵之載道當滌暑之佳辰林巒則秀

本天成亭榭則靈由地獻祥葩秀草皆符

對育之襟瑞獸胎禽各繪恬熙之象恆

宸遊於三十六景豫奉鳴鑾陳王會於億萬千年歡

臚輯瑞若夫典稽表貉禮舉行旼羽騎齊陳獵場

載啟金鞍耀日拂寶駿之三花玉纛捎雲映高牙

之五色驗寥天之露重正逢呦鹿之辰乘廣漠之

風高恰應祭疆之令鴻網蔽野排隊伍之森嚴虎
落連山括岡巒之起伏仰

天弧之親挽百中稱神瞻

御輶之遙臨三呼効響加以

威稜疊播風動濛池疆索宏開路逾瀚海慶雪峰之底
定琛玉盈庭欣月寔之來同鑠錫合部習朝儀於
行殿封崇五等之班隨

法仗於和門

命卮三驅之典洎夫

皇風普邕佛日遐輝祀

寶算於中天演法輪於後藏耆闍跋利通紫漠而徠賓

兜率伊蒲譯丹書而獻

壽頌

曼珠之功德慶洽聲聞廣震旦之宗傳懽陳舞蹈若乃

封陞廣衍版藉充殷貨別千場居環萬井名都對

郭金甍分緊望之區上郡專城繡斧轄旬宣之使

拓三邊而建治統壹旗廳聯七屬以宣猷肇新州
邑俗安耕鑿家餘高廩之儲化威絃歌戶有橫經
之彥育菁莪於阿澗壁水澄輝擷芹藻於宮牆金
絲叶奏

寵頒上舍捧纁而喜溢黌門額定賢書握藥而歡騰慈
榜際風聲之丕洽宜簡冊之旁徵

特命廷臣肇修輿志俾蒐羅於文獻用審定於幅員前
茲副稿臚

呈已編摩之略具繼以

綸言指示期辨訂之加詳蓋邊徼之區分傳疑最易而
舊聞之引据襲誤尤多在漢史唐書未及通其疆
域即桑經鄭注何由晰厥源流是以洹水要水之
沿譌奉折衷於

宸斷濠河熱河之派脈經考證於

聖裁大綱既得所遵循餘類各加之采訪臣等學疎汲
經職忝操觚

朵殿趨蹌幸

光華之近被

旌門侍從欣典禮之親瞻爰披志籍以研搜更集圖
經而校勘山川風土數陳悉據

奎章甲乙丹黃刊削謹承

渠訓二十四門州居部次期鉅細之無遺一百廿卷類
別區分庶初終之畢貫緬

天題於軒錄文成紉綬之華敷

聖藻於虞絃魯叶韶韻之奏

省方問俗頌時邁以編年率屬歸誠紀綏徠而會極陳
棟宇經營之制樂文間於靈臺美山林蕃育之隩
陋周京於甫草辨疆隅之分合越幽并而疊按經
涂考建置之異同邇秦漢而歷尋障塞畧景星圖
之通驗燦若列眉山經水誌之旁搜瞭如指掌幸
烝髦之蔚起治煥同文偉庠序之崇開規詳立學
環衛重屏藩之守別舊系於茅封勝因閎剎宇之

אברהם יצחק

之甫就撫金甌而紀盛願綜括乎亥維章步之墟
紬石室以探奇欣擴充乎錐指管閩之識康九虎
僕新成益地之圖馬服龍庭志耀

光天之治攷酉陽之奧籍裒地志於鱣綰荷

乙覽之親裁錫

天言而弁冕伏願

頒垂冊府宣示藝林賅形訓於九瀛軼寰宇太平之記
待甄羅於四庫備

熙朝廣內之儲庶幾邁邱索之奇編圖增白阜入鄉

環之秘錄字煥丹函臣等無任瞻

天仰

聖激切屏營之至謹奉

表恭

進以

聞

欽定四庫全書

欽定熱河志

凡例

一熱河以溫泉得名自

聖祖仁皇帝肇建

避暑山莊人民樂育我

皇上翠華臨蒞

德澤涵濡益臻殷阜近奉

省改承德府轄領州縣規制崇闋今志仍稱熱河名存其朔云

一是書分二十四門曰

天章曰

巡典曰徠遠曰

行宮曰圍場曰疆城曰建置沿革曰畧度曰山曰水曰

學校曰藩衛曰寺廟曰文秩曰兵防曰職官題名

曰宦蹟曰人物曰食貨曰物產曰古蹟曰故事曰

外記曰藝文每門各標小序謹識緣起

一

避暑山莊

聖祖御題三十六景繪有成圖我

皇上復增三十六景此外奇秀所鍾地靈日闢謹各系

圖說其沿途

行宮並依地臚次

一本蘭周千三百餘里分園場七十餘所詳列全圖用彰

靈園之盛

一建置沿革三代以前無考燕秦兩漢時在漁陽
右北平遼西三郡邊外其分併之蹟畧有可徵晉
宋間為慕容氏高氏馮氏所據曾置郡縣元魏地
形志所載多因前後燕之舊然其時郡縣境外地
尚與奚契丹共之自隋迄唐仍為奚契丹兩部錯
居雖建饒樂松漠兩府止虛示羈縻未能實隸版
籍也逮遼金元始全治其地然史志沿革多以漢

時遼內諸縣強移於外殊不足據自明棄大寧以後幅輒轉蹙不能遠有今所載自周迄明以列代疆域提綱於前以所引諸書分目於後復名加按語以證其是非同異庶幾展卷瞭然

一建置沿革首系承德府屬全表以府州縣為經以歷代為緯復繪周泰以迄明代為十二圖泰觀分合用資考鏡

一熱河境內遼金元皆置御縣而三史地理志無

里至可考方位莫詳今据元一統志考其四至八到所未備者參以武經總要庶幾形勢向背道里達近可約畧而得

一自來地志合山水為一今境內之山各按府州縣分載而水之大者或連跨數百里若割屬諸境則源流未能明晰故從水經注例以大水為綱小水為目核其分合及所經之方向道里詳著之不必與山一例至於一府一州五縣山水大半發脉

於園場有圍場卷中已列其名而復著於山水門者不妨互見

一熱河設立學宮

敕建

文廟以及考棚書院次第興舉規制美備並

頒內府所藏周時法物用光俎豆今詳具圖說以昭盛典

一藩衛如喀喇沁翁牛特土默特祭曼巴林教漢

喀爾喀左翼皆隸熱河境各驢列世系為藩衛表
其內外札薩克非境內者不具錄至察喀爾編隸
四旗附入兵防門

一

山莊內寺廟皆奉

勅建修其在

山莊外者或建自諸藩以申慶祝或威示外徼以肅
觀瞻邇年土爾扈特全部歸順則有普陀宗乘之

建班禪額爾德尼入

觀則有須彌福壽之建尤為莊嚴鉅麗今各系圖說而以叢祠古刹附焉

一熱河官制我

朝大備文職自教授以上武職自佐領守備以上次其任事先後詳誌題名至前代官斯土者歲月無考別為宦蹟一門

一熱河全境秦漢以來在邊外為諸部分據未入

內地疆域至慕容燕及北魏時始有建置可考今志宦蹟人物皆斷自晉魏始

一承德府即熱河廳平泉州即八溝廳灤平縣即喀喇河屯廳豐寧縣即四旗廳赤峯縣即烏蘭哈達廳建昌縣即塔子溝廳朝陽縣即三坐塔廳今志仍於府州縣下綴注舊名以詳原委

一引書以正史為據正史不足則旁引諸書如慕容燕始都此晉書所未詳者並採十六國春秋遼金於此設京

元於此分路遼金元三史所未備者兼採契丹國志大金國志及元一統志為證

一邊外山水地名多蒙古語向無準字我

朝同文韻統切音精當舊時對音未合者遵加校訂至書中所引遼金元人地名亦俱遵新定三史改正以免沿習之訛

欽定四庫全書

史部十一

欽定熱河志

地理三

都會郡縣之屬

目錄

卷一

天章一

卷二

天章二

卷三

欽定四庫全書

欽定熱河志

天章三

卷四

天章四

卷五

天章五

卷六

天章六

卷七

天章七

卷八

天章八

卷九

天章九

卷十

天章十

卷十一

天章十一

卷十二

天章十二

卷十三

巡典一

卷十四

巡典二

卷十五

巡典三

卷十六

巡典四

卷十七

巡典五

卷十八

巡典六

卷十九

巡典七

卷二十

巡典八

卷二十一

巡典九

卷二十二

巡典十

卷二十三

徠遠一

卷二十四

徠遠二

卷二十五

行宮一

卷二十六

行宮二

卷二十七

行宮三

卷二十八

行宮四

卷二十九

行宮五

卷三十

行宮六

卷三十一

行宮七

卷三十二

行宮八

卷三十三

行宮九

卷三十四

行宮十

卷三十五

行宮十一

卷五十六

行宮十二

卷三十七

行宮十三

卷三十八

行宮十四

卷三十九

行宮十五

卷四十

行宮十六

卷四十一

行宮十七

卷四十二

行宮十八

卷四十三

行宮十九

卷四十四

行宮二十

卷四十五

圍場一

卷四十六

圍場二

卷四十七

圍場三

卷四十八

圍場四

卷四十九

疆域一

卷五十

疆域二

卷五十一

疆域三

卷五十二

疆域四

卷五十三

疆域五

卷五十四

疆域六

卷五十五

建置沿革一

卷五十六

建置沿革二

卷五十七

建置沿革三

卷五十八

建置沿革四

卷五十九

建置沿革五

卷六十

建置沿革六

卷六十一

建置沿革七

卷六十二

建置沿革八

卷六十三

建置沿革九

卷六十四

答度一

卷六十五

山一

卷六十六

山二

卷六十七

山三

卷六十八

山四

卷六十九

水一

卷七十

水二

卷七十一

水三

卷七十二

水四

卷七十三

學校一

卷七十四

學校二

卷七十五

藩衛一

卷七十六

藩衛二

卷七十七

寺廟一

卷七十八

寺廟二

卷七十九

寺廟三

卷八十

寺廟四

卷八十一

寺廟五

卷八十二

寺廟六

卷八十三

文秩一

卷八十四

兵防一

卷八十五

職官題名一

卷八十六

宦蹟一

卷八十七

人物一

卷八十八

人物二

卷八十九

人物三

卷九十

人物四

卷九十一

食貨一

卷九十二

物產一

卷九十三

物產二

卷九十四

物產三

卷九十五

物產四

卷九十六

物產五

卷九十七

古蹟一

卷九十八

古蹟二

卷九十九

故事一

卷一百

故事二

卷一百一

故事三

卷一百二

故事四

卷一百三

外記一

卷一百四

外記二

卷一百五

外記三

卷一百六

外記四

卷一百七

藝文一

卷一百八

藝文二

卷一百九

藝文三

卷一百十

藝文四

卷一百十一

藝文五

卷一百十二

藝文六

卷一百十三

藝文七

卷一百十四

藝文八

卷一百十五

藝文九

卷一百十六

藝文十

卷一百十七

藝文十一

卷一百十八

藝文十二

卷一百十九

藝文十三

卷一百二十

藝文十四

臣等謹案

欽定熱河志一百二十卷乾隆四十六年奉

勅撰熱河即古武列水

避暑山莊在焉舊設熱河道領四廳今置承德

府領平泉一州灤平豐寧赤峯建昌朝陽五

縣此志猶以熱河名者神皋奧區

鑒輿歲莅蒐狩朝覲中外就瞻地重體尊不可冠

以府縣之目故仍以

行殿所在為名也凡分二十四門

華蓋時臨

奎文日富敬錄弁首曰

天章

省方觀民勵精無逸編年紀載曰

巡典琛賁鱗集梯杭旅來

威德式彰曰徠遠

軒衛隨行

明堂斯建詳陳規制曰

行宮肄武習勞三秋大獮周陸原麓曰圍場地接

堯封界分周索或為僑置或為郡縣或為京

邑引據史傳辨訂是非兼列八表十二圖曰

建置沿革刪星野之談天測斗極之出地曰

晷度巨流為經衆川為緯曰水區列方隅標
舉形勢曰山涵泳

聖化澤以詩書曰學校喀喇沁翁牛特土默特奈
曼教漢巴林喀爾喀古翼諸部隸於境內者
表其世系曰藩衛紺宇金地或以奉

勅而建或以效祝而營曰寺廟畫疆分職臂指相
維曰文秩羽衛連營以迨察哈爾四旗曰兵
防

國朝官斯地者遷除歲月以次臚載曰職官題
名前代官是地者不可盡詳錄其有功可紀
者曰官蹟靈秀挺生垂光史冊曰人物山澤
膏沃金粟豐贏曰食貨草木禽魚正名百類
曰物產故址流傳遺文有證曰古蹟前朝舊
典曰故事諸部軼聞曰外紀詩歌制作關於
風土者曰藝文並考古證今辨疑傳信既精
且博蔚為輿記之大觀案熱河所屬自漢魏

以前皆鮮卑烏桓地也慕容氏崛起龍城始
置郡縣魏書地形志約畧可稽齊周以後大
抵與契丹庫莫奚參錯而居前朝諸史務侈
幅員每以邊境郡名移置長城之外核諸地
理殊不足憑後惟遼金元三朝實奄有其地
然無所紀載故輿記靡徵明棄大寧渺如絕
域其所叙錄蓋傳聞失其真矣我

國家肇造區夏統括寰瀛

太宗文皇帝親擒十四台吉先定其地

聖祖仁皇帝校練七萃初出松亭後喀爾喀汗貢厥

上朕益宏文圖刈蘭之界北跨臨潢遂

仙苑天開爰閤畢集我

皇上法

天不息率

祖攸行

時邁其邦地同三輔四方益以和會百產益以蕃

昌郡邑區分膠庠鼎建民殷俗美炳然與三代同風其盛為自古所未有故詞臣珥筆敬述斯編亦自古之所未聞豈非地秘其靈天珍其奧自開闢以至今日越十萬載侍

聖朝而發其光哉乾隆四十九年十一月恭校上

總纂官

臣

紀昀

臣

陸錫熊

臣

孫士毅

總校官

臣

陸費

墀

臣

墀

欽定四庫全書

欽定熱河志卷一

天章一

披圖巡洛之代宣豫南風其音尚已至於過沛三
侯橫汾一曲章句偶傳載諸史策要未為風雅之
極軌也我朝

列聖傳心文思光被

聖祖仁皇帝以熱河為清暑之所揆揚

天濤寄興

智仁

世宗憲皇帝在藩邸時扈侍

行幃

鴻章丕播於今昭垂星漢光景常新

皇上敏時典學

御製詩文全集函括萬象裒成巨帙茲之所編皆

巡幸塞外之作其間對時育物敷政綏猷厓畧於茲具

見而疇咨晴雨勤恤民依尤不止三致意焉敬並
分年詮次志

天章第一至事有所繫者則依類恭載各卷中蓋即
豫遊之地而

聖學相承治源共貫真足典謨雅頌昭示無極矣

聖祖御製文

七詢

四集

體元主人膺期運撫寰海紀星次者垂七十年臨雲陛

者周六十載常以薰風應律梅雨戒塗駐驛興州之域
棲神無暑之區追疇昔感居諸意怫鬱乎其不舒也自
冲歲承基弱齡親政敬天明威察民視聽夙寤晨興慮
慚前聖更歷多艱無忘執競有若三藩叛命尾大必芟
氛連海嶠烽起西南選熊虎鉏豺豸驅以雷掃以電神
弧彎而天狼落枉矢飛而妖鳥散覩六幕之塵清費八
年之廟算黃淮并溢決岸潰茭波漂百室道阻千艘翠
華頻省橈楫周遭然後息桃花之怒浪平竹箭之驚濤

人歸廬井帆接亭畢安知候之寒暑而躬之焦勞也西
戎跳踉窺我藩籬張皇王師陵厲禁旅再歲三征雲屯
飈舉越瀚海度磧鹵忘饑渴均甘苦夫乃馘冒頓服侯
柎紫鷺徐入朱鷺凱還雖守成之述事等締造之艱難
也至於戶口繁滋裨瀛表裏地震天灾習聞前史豈有
遐遺痼瘕在已晝膳弗甘宵眠屢起恩不踰晷澤必下
行牂羊靡嘆鴻雁輟鳴民咸安其居而後釋然於中情
也躬不遑息心不自逸於茲五紀常如一日內則畏天

閔人勤身恤物外則沐雨櫛風衝霜犯雪擾靈府損精
和榮衛結轡神氣消磨年芳冉冉星髮皤皤勞稍涉而
輒倦步方跬而慮蹉思每短於再審事旋忘於既過來
日不可期去日已苦多矢乾乾以時行恐菁華之莫繼
彼羲馭之既中異東隅之初麗將息意而燕遊凜鴻業
之攸繫誠一簣之功虧寧始勤而終替疲形竭智永思
長吟歷年久而慮愈遠閱事多而憂彌深冀家給而人
足財未阜於虞琴語風移與俗易化未致夫儀禽慕視

履之元吉知上佑之難謀其何以寬無窮之煩念發垂
老之深心於是左右侍臣文武有位二氏緇黃九流方
伎奔走輦下負曝獻暄願言舒志錫福元元主人乃博
采不遺從容顧問俾無忌諱各攄厥蘊

近侍之臣進曰竊聞帝王之為樂也秘苑閒宮遊宴有
所班輸是營千門萬戶閣通往來樓迷去住亭名臨月
臺稱粘雨黃金作屋玳瑁為梁文棖繡栱漆瓦雕牆間
以沉檀飾以璫璫曉日照而後庭流影微風起而數里

聞香則有夏宮妹喜殿室有蘓異扇搖其丹鵲嬖人獻
於赤烏龍蓀褒艷驪戎晉妹修明辭越夷光貢吳戚姬
偏寵邢尹並都協律女弟謳者子夫帳中狀若月之蛤
枕前分不夜之珠璣絕巧工鍼神善製蟬飛薄鬢星熒
高髻思香競媚點膏逾麗羊車戀竹葉之扉馬射簇芙
蓉之騎舍利穆婢小憐馮家蓮上玉兒桂邊麗華長娥
賜果慙女司花太真之鮮葩解語宵娘之新月乍斜莫
不秀發穠姿橫生逸態顧影有雙當時無對別有班姑

僊仔左妹修儀蘭英獻賦上官評詩采蘋樂府花蓋宮
詞咸摘華以待詔或稱美於占辭爾其熊毛席綠象牙
簾白時窺綺牕遙映紅壁鈿綴金蟲釧裁琥珀袍飛瓊
以流翠裒纖綃而染碧時則蘭茗繞露梧樹未霜紛瑤
臺之窈窕度釳砌以徜徉喜方隅之宴清感節序之廻
換貴人生之行樂及良時而酣醺爰有龍膏始釀馬乳
初來翠濤百榼紫霞千杯麒麟膺髓猩唇豹胎雲鷓澤
鵠淵鱗江鯢錯窮四海珍貢九垓蓐收動桂勾芒調梅

於是衆伎俱陳八音齊舉笙鳴鳳翼箏移雁柱鄧琅折
柳之笛朋肯催花之鼓箏箏則桃皮含商琵琶則檀槽
促羽雜沓繁會激揚清謳新翻水調唱徹涼州韻細而
脣珠微繁聲淒而眉黛暗愁隨紅牙之緩緩協赤玉之
悠悠彩雲仙隊素霓舞列長袖吸華輕裾迴雪釵漸搖
以逐步珮徐鏘而應節翩鸞影以遙瞻希龍顏之豫悅
及乎銀缸既爛銅漏猶遲惜餘歡之晼晚顧綵筆之歲
筵授簡尚宮歌以繫之歌曰拂巾接槃曲既揚妖姬素

面華月光上為衾幃衛風霜下為履綦願同行日車永
永駐扶桑千秋萬歲樂未央若此乎徵新聲選麗色蕩
樂娛心不知所極今主人乃欽欽翼翼勤而不息富有
萬國而寸陰是惜泊然無以為歡臞然類於山澤盍釋
萬務擷衆芳暫取以為消憂之術怡神之方乎主人曰
昔嘗覽乎沫水故墟驪山荒殿始蘇之臺瓊花之觀金
粉埃塵喟焉長歎階厲名旣敗德累名宜鑑傾城之轍
毋招伐性之兵年之少也不留聰明今垂七十矣寧復

溺志於色聲

文學之臣進曰清明在躬聲色不邇惟聖右文請陳皇
始龍馬示象抱義作圖繫辭贊翼三古同符邵演希夷
程刊輔嗣朱集厥成推本占筮事濟民用理洩天秘百
篇羸燼及漢稍傳濟南則屬讀佶屈闕里則科斗聯蜨
照乘猶遺連城斯得執簡皆聖人之徒嘉言實王者之
式齊韓暨魯各以詩名毛受子夏鄭繼其聲序由衛宏
疏綠劉焯自西晉以孤行至南宋而啟鑰春秋五家鄒

夾無聞公穀口說左據舊文洛閩未遑張胡齊轡莫叅
筆削之功誰炳衮鉞之義郁郁周禮制自元公書成定
鼎官補考工儀禮為經禮記為傳河間之逸者已多小
戴之存者未半至若史家之體祖於典謨編年紀事左
氏遺模遷承談基固纂彪業振古流芳將來取法范刪
衆籍陳紀三方漢之仲季何其煒煌晉書天文淳風妙
解沈約詞人宋志博采伯起撰魏子顯著齊自茲厥後
僅而有稽梁陳齊周志皆無述隋書效宋五朝咸悉索

頭島夷交相詆誣延壽後出南北部區唐書新修歐宗
分庀視劉之舊最得統紀五紀自鄒蕪而弗理卓哉廬
陵庶隨腐史司馬通鑑甲子是編搜積卷於秘閣陳炯
戒於經筵猗綱目之大義揭羲娥以高懸均左右史之
舊職續書春秋之新傳若乃南薰作歌晨露流詠池上
答白雲之謠沛鄉起大風之興憂民魚而鴈子功成喜
天馬而流沙道賈帝京十首雄氣無儔東堂三傑睿藻
偏優太和之古調清峻大中之曲晏唱酬莫不包含黼

敲敲憂琳瑯救幾之命意同卷阿以來遊至於穗啟
神農鸞徵少昊禹碑甚奇湯鼎為寶周穆紀日漢章名
草宗文規模乎子敬齊高吐納夫僧虔孝建之翰墨馳
譽永明之筆力象賢梁帝觀鍾繇之意陳主品嗣真之
篇逮夫貞觀妙入羲域瞻屏風而歎草聖登御牀而取
飛白睿宗則五雲紛飄明皇則八分英特是皆鴻鸞鶴
舞虎卧龍跳寄閒情於絢素絢殊采於珠韜今主人躬
上聖勤下學體太極超先覺折中四府等量百王乙夜

金方山志卷之八
未嘗停於覽西山無所秘其藏爰申石渠之論載廣虎
觀之議考代葉之隆污較簡策之同異固理熟而神融
非玩物而喪志也聖又多能道兼衆藝體工六文詞高
五際逢風景之清暢矚川岫之澄幽拂宣毫之圓健試
剡藤之剛柔月露吟而意遠烟雲落而勢遒韻金聲而
玉振象日字與奎鉤豈不興酣情逸俾彌性而優游乎
主人曰經觀大義毋為華葉史貴徵信匪誇涉獵入聖
之階梯具在臨人之鑑戒斯憑允平生之所好慮垂耄

之弗勝未免披吟亦事楮墨不爭文士之長寧詡書家
之則聊抒寫於一時何余情之可釋

介胄之臣進曰文以飾治武乃申威雕蟲之技壯夫不
為請論我國家軍容之赫赫武功之巍巍也風后握奇
力牧為將蛇鳥連營貔貅列仗爰執星廬戈環玉帳扛
鼎誇雄翹關示壯甲冑則飾貝齒綴朱綬精皆浴鐵麗
悉縲金百疊之蛇鱗護臂重環之鮫鎧當心劍戟則蘭
葉凝霜蓮花舞雪龍訝津騰鯢驚水截雍狐之鍔千攢

金
卷一
湛盧之鋒萬列努矢則燕山之角朔漠之蓬削夏箭規
唐弓鯨牙耀日鷄尾迎風羽橫空而蜩黑鎬卷地而塵
紅若乃驥產烏孫駒來赤水垌滿丹髦谷量綠耳六印
聯珠三花散綺駕茲白於輶轅豢乘黃於鹿麇貢道通
戎政理窮牧攸宜蕃庶莫紀爰分錦埒並輕金羈珊瑚
之鞭霞舉玫瑰之轡星馳左御周廬右陳殷輅樊纓則
五色紛垂闌戟則崇牙畢駐於時塞樹初丹沙茅盡白
彤雲籠帳殿之高素月吐邊牆之隙八校清塗九旂照

陌旆獵獵而穿林馬蕭蕭而度磧萬騎密布兩翼斜張
火明迴野角轉遙岡陣合而潮聲乍捲圍圓而虹影何
長車邊熨猛繚畔鷹蒼脰隨草偃爪挾風颺毛飄飄其
漸下足趯趯而全僵於是武士奏能烝徒雄發或拉豹
以摧斑或拳獬而磔骨哂狼顧之尾囊喜熊掙而掌滑
飲啖而蒼鹿羣呼投罟而銀獐早蹶至若芳洲日霽春
渚冰消狩南畿之廣澌按五色於輕橈舟聯鷺鷥之形
浪蹙翼箕之勢弋必待飛繳無及細習水戰之神機授

澤虞之節制家秘珠玉之鈐士擁戈矛之銳既令一而
力齊亦恩深而忠勵且我皇朝拓宇絃極來同羅地天
之上下包日月之西東絕漠在藩籬之內荒服盡庭廡
之中蠢茲孽醜恃其遐逝蛙謂井寬蟾張臂力我軍乃
經無旱歷不毛水名寒暑山號鑿鑿瘴烟盡滅訛火夜
燒然而勇思敵愾義奮同袍度危輕於飛鳥攀險捷於
懸猿歡聲動油幕和氣逐星旄刀刺而甘泉湧旗展而
毒氛消驚從天而忽下紛穴地以潛逃俯瑤池之浩蕩

陟普陀之岑崑渡金沙而拔幟定三危以鳴鐃是則域
絕梯航名遺圖史昔阻殊方今為同軌六師告捷萬方
送喜功高泳野化婉虞階扈征不逮殷武莫儕寧不足
以鳴億代之愷樂釋一人之憂懷乎主人曰天有雷霆
功同風雨聖作弧矢道濟千羽安不忘危訓茲貔虎率
由周禮歲有蒐苗搏犀兕以作氣冒風雪以習勞羽林
兮親率琫弓兮手操垂老兮不懈匪樂此兮遊遨感唐
宗之殫承猶技癢而自豪何雄心之欲逞而英武之難

韜八荒在闔七德有征不得已而後用計萬全而謀成
雖屢聞于露布長戚然其靡寧固不恃太平而弛備亦
非矜遠畧而佳兵

釋氏之流進曰佛道崇虛不以威力常生歡喜之心必
在清淨之域粵自日升法界雲散梵天古來證聖今劫
當賢善慧夙願羅衛因緣夢占白象胎置金蓮徒衆則
降生百億光明則遍燭大千發念四門凝神十地脫屣
王城披緇林際安步而青雀環飛跣趺而火龍戢勢當

明星之出時應執月而度世其為道也戒行為本禪那
為趨精進何勇忍辱如愚惟一真之自在忘色相之有
無懸靈臺之澄鏡出濁水之明珠誕先登於慧岸乃永
超乎迷塗離欲塵而皓潔變苦海為懽愉其為教也大
極羣生普濟萬有三乘可階六度是牖雷鼓揚聲霜鐘
虛受灑甘露以息心聞妙音而稽首意樹生夫善果情
田薈夫害莠照暗室以芳苾擢汙池之瑞藕裨王化之
淳和躋黎元於老壽爾其騰輝周室皎像漢庭藕由識

北傳殷通靈天竺寫範石室緘經法顯於邁遍覺遐征
訪難足之故跡啟鹿苑之舊局竹簡誌其周歷松枝感
其專誠則貝文自茲盛出金字於焉流行矣又有伊存
初授迦羅始輯趙地宗澄秦都禮什宣譯大藏淵思秘
笈跋陀栖蹤於少林難提摹影於洛邑此則法雨之東
被而禪風之西入也然乃律論雖著心印未承達磨遠
屆爰示真乘劫黎轉付機契斯憑北宗神秀南派慧能
花開五葉燄發千燈是皆默悟妙圓深通聖諦受如來

之法眼嗣大士之苗裔夫其超九劫而授記繼六佛而
仰瞻現白毫之功德顯紫色之莊嚴天上天下其尊無
對世出世間此道為貴是以帝釋皎依人王崇事元魏
則一萬三千所江左亦四百八十寺莫不塔規雀離宇
肖鷲峰花林藹藹蘭若叢叢須彌魏殿兜率淨宮盤乘
團露鐸和高風六牙殊狀九級神功升堂則月容霄表
躡梯則人語天中亦有剪綵刻檀雕銀鏤玉香刹之金
翠二丈幢幡之珍寶百斛龍鱗敷席鳳毛隱褥薦瓊膏

而乳融焚瑤髓而烟馥現路衢之慶雲耀坊市之華燭洵
佛事其煥儼轉法輪於大覺照萬年之鴻祚頌五位之
弗祿今主人無量壽相種大福因修成億劫宏濟兆民
隨喜法喜能仁當仁邁應聲之前迹猗感運而降神願
闡真如之教永綏極樂之身主人曰釋氏之教湛然虛
淨脫離六根明心見性無惡無善豈達性命義之不存
又安能敬順動靜以循環匪偏枯於寂定包理數其紛
羅何談空而作聖雖了徹乎三生亦奚裨于國政既塵

芥夫山河寧存心於萬姓拾身同泰迎骨鳳翔垂鑒前
史曷云其臧敬而遠之聖言孔彰

道家之流進曰釋開覺路老合儒宗直窺元奧大啟仙
蹤原夫有物混成冥冥窈窈先天地生字之曰道陰陽
互根坎離相抱本氣祖於太虛蘊谷神之至寶絳宮燦
琅玉房逶迤木公金母姹女嬰兒龍虎森列昂畢交馳
神資添雪妙合希夷維導引法為養生主樞動不蠹水
流曷腐搖天柱擊天鼓熊經鷓息猿攀鳥舞戲五禽而

榮昌祛三蟲而輕舉六齋清淨十戒精嚴元關自扃尺
宅長緘澄空鏡皎活水波恬戕身之斧罔觸爽口之味
奚沾心欲葆真鼻先視白息由意調氣緣思積抱一兮
探珠守中兮拱璧存想而素籥開內照而津梁闢爾乃
納新吐故吞景含光網緼太始呼吸元陽丹田鬱鬱烝
海泱泱紫霧騰於上谷黃芽茁於中央廼有華池旁流
璇露寶液滌洄瓊漿布濩六府潛踈百骸畢注汲醴井
而難枯灌靈根而永固若乃九三列鼎六一和沙烟浮

金竈乳吐瑤葩刀圭散雪鉛汞蒸霞充糧而煮白石擲
米而成丹砂別有冰園之衣玉文之棗淪朮同調茹芝
共擣錢鏗啜桂以綿齡務光哺薤而壽考偓佺食松而
飛行南岳采苓而助姣王興換骨於菖蒲鳳網咀華於
卉草餌八石而方瞳服一丸而紫腦所以至人禀二氣
運三真按七候具五因保戊己守庚申朝喻鬱儀夕采
結璘內則九還毓性外則寸匕回春煉形為氣化氣成
神烈焰莫灼弱水難淪金玉其色日月其身綠毛不稿

頽頽長新則有赤松雨師崆峒親訪作歌黃竹授書河
上笙吹緱嶺袖挹浮邱竇令乘龍而上下琴高控鯉而
遨遊時而矯舉層霄遙征瀛海眺圓嶠之峻增慙方壺
之爽塏九色之鴻踔躔三素之雲霞黼霓旌往苒以排
烟螭衣陸離而絢彩芝童導舞桂女擎觴雉羹著臙麟
脯盤香鶴奏延年之曲鸞吟益壽之章揮三千之琅簡
聘十二之文凰懸圃之景光自愛蕊宮之娛樂偏長今
主人體乾元握太乙凝剛健之精造冲虛之室簡幾務

之焦勞導皇躬以寧謐元始道合澹漠無為養一心之
和暢致八極於雍熙固性命之真樂仁壽之良基不得
謂太上道妙與聖治而兩岐也主人曰道法自然為天
地根老氏之學能養其真流而成弊刑名放蕩長生久
視語益惝怳况神仙之杳渺氣歷劫而難聚縱白日兮
飛昇與世道乎奚補慨秦漢之往事求方藥而何愚用
清淨而獲效寧化美於皇初養身壽人儒者有道保合
太和何取黃老

醫術之臣進曰衆家紛綸各有所宜導和釋結常守惟
醫雖方技之小道誠親切而神奇自古炎農始宣藥品
形色必區性味攸審亦越軒轅繼作內經運氣惟叙部
候聿明岐彭俞振揚輔導君臣佐使之相須神聖工
巧之畢到勒諸玉版典在靈蘭遭羸禁而無恙媿羲易
而永傳爾乃驚驚鳴岐姬公制禮職領天官務寧王體
調和食飲滋息本根精神欲其內守政事先乎理身左
氏作傳載秦和之疹視馬遷述史序倉公之證治備演

鴻術兼表奇事嗣是長沙賢守垂金匱之要句漏仙令
集玉函之妙華陽別錄太白千金遠相授學不輟披尋
猶復從壺中之幽叟搜肘後之秘藏門帶杏林而霏雪
宅留橘井而浮香三世之名著十全之實彰以臣愚管
仰揣聖躬非有陰陽勝負侵其外喜怒嗜欲伐其中特
以懷萬古之永圖鍾四表之遙情憂慮太遠則費神智
計過周則耗精默識成性偶難憶於忽遺通微必睿時
或不屬於思維得上藥以為助自壯盛而不衰西土浮

陽作甘美草式和羣品首資國老瑤光散彩人獲具形
恒騰紫氣亦聞呼聲彤絲上布皓苓下生松腴不朽伏
菟通靈草名小草本為遠志醒心是賴出處非異堯韭
天降昌陽引年百陰感氣九節蟠根隰產惟芋地髓凝
黃從下會意沉者尤良令應金藥族辨苦薏延齡妙用
露裛佳色諸藥脩脆月盤煮糜生則膩滑乾收乃宜龍
眼繁實燦若驪珠蜜脾無滓益智有餘斯皆可以開心
安神填精輔志久服輕身近驗強記他若忘憂樹之丹

棘合歡贈以青棠猶以力微効淺未敢貢於上方也至
於筋力小勦血氣異候樂不疲而覺強足容重而嫌後
固無事於按蹻更靡假於鍼灸蒙冬蔓茂經驗紫微日
行三百有過騫飛天精地骨枸杞還壯吠尨隱叢仙人
作杖交藤如斗山翁成瑞髮重鬢黑步逾便利伊仙靈
舄輔足最神柳詩所歌不越盈旬穗象郗蟬性著逐馬
丹參曾試蕭炳非假以之湯液去患若風之吹雲醪醴
取益若寒之回春凡臣所陳氣擇其平味簡其良品無

迂避用必經常屏金石之多悍捨禽獸之微毒先嘗奚
待乎九折奏御方迂乎百福煩悃渙釋動作輕安加由
繹而思彌永循端末而記益全襟舒兮懷暢色澤兮體
胖何必高居深念鬱悒心願乎主人曰古帝垂經以原
其本良師立方以使之平能回氣化有裨生生止祛疾
疾匪駐年齡食惟穀味滋以薑桂若服藥之過多反五
藏之為累況乎出產殊地採造愆期質同效異物是時非
試不獲應久愈失宜嘗探求者歷載猶影似而未真欲

綜覽以著書恐貽誤於後人思邈有達言養性先自慎
寧以憂畏為本勿惟藥用是信

於是有巖阿一老皓髯樸貌擊壤行歌韜華秘耀稽首
山莊之門上獻芻蕘之言曰諸臣所論惡足以知主人
哉昔者唐虞三代之治也堯德曰欽君臣之大虞廷交
吁動色儆戒夏后克艱其政乃又成湯慄慄臨淵是慨
文王烝哉敬止不懈武受丹書戶牖銘誡謨誥雅頌歷
古相傳於赫天命明徵聖言匪四海之為富將康濟夫

黎元匪九重之為貴將仰答夫蒼旻理庶官而無曠躬
萬幾而不勤思艱鉅之負荷雖細微而靡捐不以天下
為樂惟知為君之難今主人稽正學披往牒溯百世之
緒繫億年之業撫幅員之廣博觀民物之繁稠日方中
而恐悚雨未至而綢繆譬朽索之馭馬喻洪波之載舟
覽青史以申鑒紆黃屋之深籌何一夫之可勝何一事
之不可憂乎乃若內外建官賢才是樹用牧閭閻用治
軍賦廢耳目而任心豈英髦之可遇爰詢訪於羣僚曷

由消夫黨附或顯名於卑秩逮位高而改度倘審察之
未精將輕信而成誤又若蠲租蠲食益下之經先時峙
備康庾宜盈本常平之良規參社倉之遺軌非綱紀之
得人徒名存而實詭及臨時而設施責周密於條理苟
奉行之不臧竟何裨於井里法惟禁暴德在好生律令
不用道化以貞自親民之守令已莫必其得情況受讞
於槐棘憑案牘之權衡罰雖薄而求當乃克慎乎祥刑
每登中於歲杪占貫索之空澄若此者自非主人離照

不遺乾綱獨運則何以肅官方解民愠作元命申清問
百工允釐有條而不紊乎主人曰隱者之言美矣然終
奚以釋吾懷耶對曰王者之道父乾母坤嚴恭寅畏罔
間晨昏維天之怒風烈雷煇側身修行言省其愆維天
之喜景星慶雲悅容愉色以承其歡視無形而若見聽
無聲而如聞嚴精裡於二郊通志氣於兩間命變化其
靡定福不可以倖干恒跼蹐而齊慄敢戲渝以自寬代
天治物綏御遐邇睠此蒼生實吾赤子彼鞠育之慈恩

同疴瘥其一體崇責任於元后曾何分乎毛裏縱遙隔
於帝閭如號啼之在耳果誠心而求漢斯致頌於樂只
宜乎舉膳踰晷求衣待旦苦身勞形耄期在倦卜天行
之泰否審人情之萃渙善罔小而祥基惡罔大而旤咎
履虎尾以操心涉春冰而慮患笑與嘔其不假處閭燕
而齋莊恐潛移夫威福杜窺伺之在旁治與亂其倚伏
迨明盛而思防炳幾先以遠照用鞏固夫苞桑信盈虛
之有數修人事以為常筮艱貞以无咎豈晏安之可嘗

感晚節之易改永垂警於怠荒期初終以如一運不已之陽剛雖齒髮之就衰尚黽勉以自強縱精力之漸耗詎惕厲之可忘是則主人之憂勤也天高地下與之偕極日往月來周而無息舉天下之人莫可與分其責而又何日以自歡何時之能釋主人曰隱者之言實獲我心有志未逮我思益深夙披誦夫尚書攬帝王之金鏡君子所以無逸裕大猷以立政又觀玩夫周易綜微言於四聖能恐懼以致福茲得中而履正憂殷勞勩習與

性成學於古訓不敢荒寧前途之計後世之寄疇勤疇
恤翳余是視兢兢業業不知老之將至

御製文

皇祖聖祖仁皇帝恩賜御書記

樂善堂集

憶自年十二時隨

皇祖聖祖仁皇帝駕往熱河避暑朝夕隨侍

皇祖萬幾之暇輒流覽書史或

親灑宸翰從旁竊觀心慕而未敢以請也

皇祖顧諭曰汝愛吾書乎賜長幅一復賜橫幅一扇一皆持以告我

皇父寶而藏之其年冬

龍馭上賓哀痛沉篤每展閱

御筆手澤猶存涕泫泫下乃肅容拜手而為之記曰嗚呼

皇祖之孫百餘人其中聰明才識好學博聞年長於孫臣而任事於朝者彬彬濟濟孫臣年甫弱齡性復鈍魯顧特被

恩寵迥異他人者豈非我

皇祖推愛我

皇父之心比諸孫有獨摯乎今雖八載

聖訓慈顏宛然如昨豈徒杯棬之慟已哉若歐陽修作宋
仁宗飛白記謂仁宗德澤涵濡於天下者四十餘年田
夫野老猶悲歌思慕況得望清光而承恩寵者尤相與
流涕不置我

皇祖君臨天下六十餘年聖德之廣大化被之宏深享年

之有永過於仁宗萬萬歐陽修不過受知近臣為僚采
作記尚流連咨嗟慨想而不能自禁况孫臣日侍晨夕
誨愛特深親侍

皇祖之揮毫躬受錫予其流連咨嗟慨慕更當何如因書
以誌不忘云

古長城說

王申

木蘭自東至西延袤數百里中橫亘若城塹之狀依山
連谷每四五十里輒有斥堠屯戍舊跡問之蒙古及索

倫皆云此古長城也東至黑龍江西至於流沙類然夫
蒙恬起臨洮而屬之遼東者今其城猶存乃去此數百
里而南且東西又不若是其遼也則古長城者豈循蜚
疏佗時所為者耶山海括地所未載於無意中得之荒
畧口傳而借余以垂其名豈非造物者之靈蹟久晦而
必彰耶嘗苦載籍傳記浮夸多僞固不若芟蒙無文者
世代相沿指實以道之無褒貶予奪於其間也則秦之
所築為擴邊乎為讓地乎於古無聞而今傳者吾安知

天下之似此未傳者當復幾何乎又安知今經予傳而
必保其後此之不又失傳乎或曰此非城也蓋天地自
然生此所以限南北也夫天地既生此以限南北則秦
為之長城益可笑矣

欽定熱河志卷一